



CUMÛN DA SENT



Il mas-chalch da Sent

Publicaziuns officialas. Cumpara seguond bsögn.

2012-2014

no. 26

7554 Sent, 3 december 2013

Radunanza cumünala

La radunanz'es gnüda fixada sün **marcurdi, als 11 december 2013, a las 20.00h** (motiv da temp), in chasa cumünala.

Tractandas:

1. Protocol da la radunanza cumünala dals 17 october 2013
2. Orientaziun supr'investiziuns previssas pel avegnir
3. Preventiv pel 2014 – Quint curraint e quint d'investizium
4. Fixaziun dal pè d'impostas pel on 2014
5. Varia

Tractanda 4:

Il preventiv 2014 po gnir retrat a partir dals 6 december 2013 pro l'administraziun cumünala d'ürant ils uraris da fanestrigl. I vain propuonü da far adöver da quell'occasiun, quai our da motivs da spargnar temp in radunanza.

Cussagl cumünal

Avis: Reglar quints cul cumün

Il quint cumünal vain serrà giò pels 31 december 2013. Tuots dabuns dal cumün e quints pendants vers il cumün sun da reglar fin il plü tard **venderdi, 20 december 2013**. Infra quel temp sun eir da pajar tuot ils quints scadüts, dats dal cumün. Per quints chi vegnan pajats cun retard, vain inchargià ün fit da retard. Chi chi ha prestà alch lavur pel cumün da Sent d'ürant l'on 2013, dess far il bain e dar giò las uras fin il plü tard als **16 december 2013**.

Chascha cumünala

Avis: Imposta a la funtana

Il termin per pajar l'**imposta a la funtana** pel **seguond mez on** scrouda la fin dal mais december 2013. Nus giavüschain a tuots da far giò quint cul cumün fin il plü tard la fin da schner 2014.

Chascha cumünala

Bös-chins da Nadal

Ils bös-chins da Nadal vegnan distribuits **venderdi, 20 december 2013** da las 15.00h a las 17.00h pro'l lavuratori in Palüzot. Quels vegnan furnits d'üna ditte dal chantun Turgovia. Il cumün inchasch'ìls seguaints predschs: **bös-chins pitschens frs. 15.00 / mezdans frs. 20.00 / gronds frs. 25.00**.

Id ais scumandà d'allontanar ils **bös-chins dovrats cullas immundichas**. Perquai ramassa quels il cumün, in duos jadas, pro'ls bügls da Stron, Sala, Schigliana, Plaz e Curtin als **27 december 2013** e'ls **3 schner 2014**.

Administraziun forestala

Avis: Vignettas

A partir dals 1. schner 2014 bsögna quai la vignetta nouva per l'on 2014 pel transit sün *vias champestras*, per parcar e per lavurar in stabilimaints (*mansteranza*).

Las vignettas da l'on e quellas da 14 dis ston gnir retrattas in büro cumünal. Quellas da di pon gnir retrattas eir amo in seguaints lös publics: **Sent Turissem, Restorant Chasa Veglia, Pensiun Aldier, Hof Zuort, Piazza da camping Sur En, Hotel Val d'Uina Sur En, Restorant da muntogna Vastur.**

Chancellaria cumünala

Broschüra

L'uffizi da sandà ha edi üna broschüra da prevenziun Burnout (10 Schritte für psychische Gesundheit).

- *Neues lernen*
- *Kreatives tun*
- *Aktiv bleiben*
- *Darüber reden*
- *Mit Freunden in Kontakt bleiben*
- *Sich nicht aufgeben*
- *Um Hilfe bitten*
- *Sich beteiligen*
- *Sich selbst annehmen*
- *Sich entspannen*

La broschüra as poja retrar pro l'administraziun cumünala.

Cussagl cumünal

Uraris d'avertüra dal büro cumünal sur Festas e Büman

Il büro cumünal ais avert sur Nadal e Büman sco segua:

Lündeschdi, als 23.12.2013
Venderdi, als 27.12.2013
Lündeschdi, als 30.12.2013
Venderdi, als 03.01.2014

Nus giavüschain a tuot la populaziun bellas Festas da Nadal e pel on nouv sandà, furtüna e cuntantezza.

Administraziun cumünala
Cussagl cumünal

Caluostra

Il cussagl ha tschernü a duonn'Anita Bass sco nouva caluostra pel cumün e pella corporaziun evangelica da Sent. Ella po cumanzar la lezcha pür süls 1. favrer 2014. Tschertünas incumbenzas po duonn'Anita surtour fingià a partir da subit.

Ad Anita gratulesch'il cussagl pella tscherna, till'ingrazcha d'avair surtut la lezcha e tilla giavüschain quella satisfacziun.

Cussagl cumünal

Avis da la furnaria Benderer

Nus vain decis da desister eir quist on da dar il regal in da Büman obligat a nossa predschada clientella e da far üna donaziun a favur da la cronica da Sent. Grazcha fich per Lur incletta. Nus ingrazchain per la fideltà demuossada e giavüschain a tuots ün bun on nouv.

Furnaria Benderer

Eivna "a Sent be Rumantsch"

Fingià pella seguonda jada haja gnü nom "a Sent be Rumantsch". Üna sporta grondiosa, preziusa ed üna fich cordiala reclama per nos bel cumün. Schi as po leger illas gazettas "participants vuleschan tuornar" fa quai amo daplù plaschair. In nom dal cussagl cumünal vuleschan eu ingrazchar fich als organisateurs pel fich grond e cordial ingaschamaint e pella gronda lavur chi han prestà per realisar quel'eivna da scolaziun e cultura Rumantscha. I pertocc'eir als ospitants ün grazia fich ed a touts chi han portà pro a la reuschida da quell'occurrentza. Grond respet da Vossa voluntà e curaschi.

Cusgliera dal dicasteri turissem;

M. Werro

Fich stimada cliantella

Id ais darcheu uschè inavant, ün on va planet a fin. Nus nu vuessan interlaschar da Tils ingrazchar sün quista via cordialmaing per Lur fidel sustegn d'ürant tuot l'on, il qual nus stimain fich.

Invezza da dar regals vaina decis, da sustgnair quist on ad üna giuvn'atleta pro sia structura sportiva da basa. Nus eschan persvas d'avair agi eir in Lur sen e Tils ingrazchain per l'incletta.

Ad Els ed a Lur famiglias giavüschaina da cour bellas Festas da Nadal e pel on nouv Tils dessan accumpagnar noss megliders giavüschs per sandà e furtüna.

Nus ans allegrain darcheu da Lur visita i'l on nouv.

**Bacharia Zanetti
Reto, Sabina, Fabio e Lara**

Aperitiv d'Advent

Ils butiers da Sent invidan a tuot lur cliantella ad ün aperitiv d'Advent.

Quel ha lö in venderdi, **als 13 december 2013, da las 17.00h – 21.00h aint in Plaz.**

Cordialmaing invidan:

Bacharia Zanetti, Butia da Plaz, Butia La Funtana, Butia Schlerin, Chascharia, Furnaria Benderer, Furnaria Clalüna, Sgabuz, Sport Champatsch.

Butiers e butieras da Sent

Uraris d'avertüra da las butias sur Festas e Büman

Mardi	24 december 2013	tuot las butias sun avertas tenor ils uraris da las sondas
Marcurdi	25 december 2013	serrà
Gövgia	26 december 2013	serrà cun excepziun da: Furnaria Clalüna: avert 8.00h – 10.00h Sport Champatsch: avert 8.30h – 10.00h e 16.00h – 18.00h
Mardi	31 december 2013	tuot las butias sun avertas tenor ils uraris da las sondas
Marcurdi	1. schner 2014	serrà

Butiers e butieras da Sent

Uraris d'avertüra da la biblioteca sur Festas e Büman

Lündeschdi	23 december 2013	16.00h – 17.00h
Gövgia	26 december 2012	serrà
Sonda	28 december 2013	16.30h – 17.30h
Lündeschdi	30 december 2013	16.00h – 17.00h
Gövgia	2 schner 2014	19.00h – 20.00h

Gruppa da biblioteca

Uraris d'avertüra dal büro Sent Turissem e l'agentura da la posta sur Nadal e Büman

Mardi	24 december 2013	9.00h – 11.15h e 15.00h – 17.30h
Marcurdi e gövgia	25 e 26 dec. 2013	serrà
Mardi	31 december 2013	9.00h – 11.15h e 15.00h – 17.30h
Marcurdi	1. schner 2014	serrà

No giavüschain a tuots bellas ed allegravlas Festas da Nadal, tuot il bun e blera furtüna per l'on nouv!

Sent Turissem

Chant d'Advent pro'ls bügls / Weihnachtssingen bei den Brunnen

Als **22 december 2013** chantaina chanzuns d'Advent pro'ls bügls. Nus ans chattain a las 20.15h in Plaz.

La prouva da chant (Chorprobe) ha lö in marcurdi, als 18 december 2013 a las 20.15h illa sala cumünala. P.pl. tour cun sai il coral.

Gianna Bettina Gritti

KINO OPEN AIR SENT

Precis da quist temp avant 18 ons han Andri Gritti, Gianna Bettina Gritti, Cristina Gregori Linsel ed Andri Linsel cumanzà a preparar ed organisar il prüm KINO OPEN AIR a SENT. Intant, in ün rytmus da mincha duos ons, vaina pudü organisar e manar tras cun grond success e cun grond sustegn da tuot la populaziun da Sent, nouv jadas l'evenimaint special sün Plaz a Sent.

Andri Gritti e Gianna Bettina Gritti han deciss da nu vulair plü far part a l'organisaziun dal KINO OPEN AIR a SENT. Andri Linsel e Cristina Gregori Linsel füssan pronts da s'ingaschar eir in avegnir per quist evenimaint, però be sch'els chattan sustegn dad otras persunas chi füssan prontas da collavurar in ün gremi plü stret e da surtour eir respunsabilità per quist proget.

No nu vain ün problem finanziel! No nu vain ün problem d'acceptanza in cumün! No nu vain ün problem, cha nu vain ingüns agüdots! No nu vain ün problem dal material! A no mancan unicamaing ün per idealists chi han interess e gust vi da l'organisaziun d'ün simil evenimaint o dafatta interess vi da la scena da film. Plüsas portas as rivan cun organisar quist open air. Forsa daja dafatta otras propostas per ün'organisaziun portadra per quist arrandschamaint.

Vaina pudü svagliar voss interess? Interessents d'essan far il bain e s'annunzchar pro Andri Linsel o pro Cristina Gregori Linsel. I füss puchà schi nu dess plü il KINO OPEN AIR a SENT.

Andri Linsel

Cults divins sur las festas

24 december: Bös-chin

17.00h cult divin per creschüts cun musica, tudais-ch

20.00h cul chant dals scolars, rumantsch

25 december: Nadal

10.00h cun Soncha Tschaina, rumantsch

16.30h Gö da Nadal pels pitschens e lur amis gronds, tud./rum.

Reuniun davant baselgia. (Ils uffants pon gnir sco anguel, paster o rai)

26 december: Firà

10.00h cun battaisem da Maurin Fadri Hofmann, tudais-ch

29 december: Cult divin cun battaisems

10.00h cun battaisem da Fabio Andri Steiner e da Riana Sofia Wolf, rumantsch

31 december: Silvester

17.00h Finischun da l'on cun musica, tudais-ch

20.00h Finischun da l'on cun musica, rumantsch

1 schner: Büman

07.00h Meditaziun quieta cun flöta da pan

10.00h Salüdar l'on nouv, rumantsch

Pravenda: no. da telefon: 081 864 87 30

Il nomer 081 864 87 28 es privat ed a partir da favrer 2014 nu collia quel plü culla pravenda.

Pravenda evangelica